

19
DISSERTATIO INAUGURALIS
MEDICA
DE

PLEURITIDE.

QUAM
DEO OPT. MAX. CLEMENTER ANNUENTE
EX DECRETO ET AUCTORITATE NO-
BILISSIMI ET AMPLISSIMI MEDICORUM
ORDINIS
IN ILLUSTRISALANA

PRÆSIDE
NOBILISSIMO, AMPLISSIMO, EXCELLENTIS-
SIMO ET EXPERIENTISSIMO
VIRO

DN. GOTHOFREDO MOEBIO,
MED. D. P. P. CELEBERRIMO, ELECTORIS
BRANDEBURG. ET ADMIN. ARCHIEPISC. MAG-
DEBURG. ARCHIATRO EMINENTISSIMO, PATRO-
NO ET PROMOTORE PLUR. DEVE-
RANDO.

PRO LICENTIA

SUMMOS IN ARTE MEDICA HONORES ET PRI-
VILEGIA DOCTORALIA OBTINENDI
PUBLICO EXAMINI SUBMITTIT

PAUL: JULIUS CALENIUS,

Brunsv.

PROPRID. NON. DECEMBR.

Literis JOHANNIS NISII.
cl^o l^oc LVI.

DISPATCHED BY MAIL

SEP 25 1895

TO THE EDITOR OF THE

NEW YORK TRIBUNE

NEW YORK, SEPTEMBER 25, 1895

SIR,

I have the honor to acknowledge the receipt of your letter of the 21st inst.

in relation to the matter of the

publication of the article in the

issue of the 21st inst.

of the NEW YORK TRIBUNE

relative to the matter of the

publication of the article in the

issue of the 21st inst.

of the NEW YORK TRIBUNE

relative to the matter of the

publication of the article in the

issue of the 21st inst.

of the NEW YORK TRIBUNE

relative to the matter of the

publication of the article in the

issue of the 21st inst.

D. O. M. A.

Quandoquidem laterum dolor, fe-
bri acutæ & insigni respirationis diffi-
cultati conjunctus, sit affectus thoracis
omnium ferè molestissimus & acutissi-
mus, qui hominū vitam invadit, nulliq;
nec ætati, nec sexui parcit, quiq; atrocis-
sima symptomatum violentiā haud paucos jugulare, ac
vitā privare solet; operæ pretium me facturum spero, si
præsente hâc disquisitione ejus naturam & essentiam
investigem, atque perpendam.

Indigitatur autem hic affectus teli nomine à *Quinto Sereno* ita scribente:

Est & vis morbi, quod telum commemoratur,

Cum subito dolor insanus furit incitus ictu.

Et hoc vel inde, ut putat *Isidor. libr. 4. orig. cap. 6.* quòd
corpus teli instar dolore transverberet: vel, uti vult *Foëf.*
comm. in libr. 2. Hipp. de morbis, quoniam antiqui, teste
Hipp. de morbis acutis, ex lateris dolore repentè suffoca-
tos ac mortuos, livoresque ad latus habentes βλητῆς, id
est, ictos, seu syderatos appellârunt.

Nos relictis veterum appellationibus commune
Pleuritidis nomen retinebimus, quod alii in genere pro
omni laterum dolore accipiunt, & ἀπὸ τῆς πλευρῆς, sive
ἀπὸ τῆς πλευρῆς, id est, *latere seu costa* derivant, sequen-
tes *Hippocratem*, & *Galenum*, quorum hic *2. Meth. med.*
cap. 2. Ille vero *1. prognost.* Pleuritidem ἀλγῆμα τῶν πλευ-

ῥῶν & 2. de diet. in acut. ὀδύνῃσι πλάγῃσι, id est, laterum & costarum dolorem vocat. Alii, inter quos *Casparus Hoffmannus lib. 3. instit. cap. 47.* in specie per eam membranæ costas succingentis inflammationem intelligere malunt.

Coeterum quum docente *Gal. libr. de Symptom. differ. cap. 1.* omnis affectus præter naturam sit vel morbus, vel causa morbi, vel symptoma, ad quodnam horum Pleuritis sit referenda, erit videndum.

Confitentur autem, ni fallor omnes cum *Gal. 6. aphorif. 33.* quod sit inflammatio, hoc est, morbus intemperiei cum materia conjunctæ. Quanquam enim, si inflammatio convertatur per suppurationem in abscessum, respectu tumoris morbis organicis, nec non unitatis solutæ haud incommodè accenseri possit, attamen cum nonnunquam dissipetur, nullò sequente abscessu, partium similarium morbis in præsentiarum adscribendam esse statuimus, & proinde

DEFINIMUS quòd sit *Inflammatio membranarum costas succingentium, cum febre acutâ, dolore lateris pungente, difficili respiratione, tussi, & pulsu duro, exorta ab influxu humorum.*

INFLAMMATIONEM esse, testatur *Gal. 6. aphorif. 33.* Et hoc insignis calor, qui ob sanguinis p. n. exaquantis influxum, ejusque prohibitam distillationem, contractamque nonnunquam putredinem semper adest; nec non assidua febris ex dictis malis ortum ducens, demonstrant.

Φλεγμονή autem, seu inflammatio, hæc est ουσιοφία, seditiosi enim eam excitant humores, plurimorum symptomatum, quæ ad formalem affectus hujus pertinent rationem, auctores.

Primum est FEBRIS ACUTA eaq; tam *Primaria secundum Senn. lib. 2. prax. part. 2. cap. 16.* quàm *Symptomatica.* Oritur autem primaria vel à plethora liberum cordis & sanguinis motum impediante, adeoq; calidum innatū accendente & occasionem præbente, ut sanguis cum impetu ad pleuram ruat, ibi subsistat, & inflammationem pariat; vel à cacochymia seu sanguine bilioso, acri & ebulliente, calidum innatum molestante, atque ad excretionem stimulante. Symptomatica verò ob inflammationem in parte cordi vicina accidit, teste *Galen. libr. 5. de loc. aff. & libr. de caus. morb.*

Præter febrem adest DOLOR PUNGENS ob continui solutionem ab intemperie, & humore distendente factam in parte membranosa acutissimoque sensu præditâ. *Gal. libr. 1. cris. cap. 5.* Fortes obstructions in pleuræ vasis suum hîc addunt symbolum.

DIFFICILIS RESPIRATIO accidit ob ingens incendium, & angustiam pectoris: tumor enim & dolor prohibent, quò minus ægri thoracem & pulmones liberè dilatare possint. Respiratio autem frequens est & parva, conante natura duobus motibus explere, quod uno propter punctiones non potest.

TUSSIS in principio plerumque sicca adest, & à vaporibus, vel sero exsudante, asperamque arteriam vellicante & ad expellendum quod sibi noxium, irritante producit. Cùm autem illud serum tenuius, quam ut per tussim attolli aut elevari possit, ideò nihil excreatur. Hoc eleganter exprimit *Galen. libr. 2. de cris. cap. 10. hisce verbis: Tusset igitur statim homo, non statim tamen spuet, sed si quidem multum ac crassum ab inflammatione defluerit, cum tussi exspuet, si vero paucum & tenue, irritabitur quidem necessario, ita ut tussis moveatur,*

non tamen expuet, antequam collectum simul ac co-
coctum ad multitudinem crassitudinemque pervenerit.

PULSUS denique durus, & ferrans, seu potius in-
ordinatus oritur ab ebullitione humorum & obstructi-
one arteriarum in Pleurâ. Sicuti enim in illis, quæ igni
moderato apponuntur, ebullitio uniformis conspicitur,
ita in corpore humano quamdiu calor naturalis persi-
stet, æqualis & moderatus adest pulsus: igne verò culi-
nari aucto, ebullitio intenditur; pari modo præternatu-
ram in nobis aucto calore pulsus immutatur.

SUBJECTUM adæquatum plerique membra-
nam costas succingentem Pleuram statuunt: cùm e-
nim, *decente Sennerto libr. 2. prax. part. 2. cap. 16.* dolor
sit adeò vehemens, ut ægri quasi terebrâ latus perforari
conquerantur, neque hic costis, quæ omni sensu desti-
tuuntur, neque earum membranæ quæ ob nimiam te-
nuitatem ac venarum parvitatem & exilitatem tantam
inflammationem suscipere non potest; neque ipsis mu-
sculis, qui sensum adeò exquisitum non habent; neque
soli pulmoni, qui ipse non sentit, nisi parum ratione
membranæ ambientis, is competere possit; propterea
in membrana costas succingente eum consistere credi-
mus, & hanc pro primario Pleuritidis subjecto agnosci-
mus, *Herophilum*, teste *Hier. Mercurial. libr. 2. de thorac.*
affect. cap. 6. solum pulmonem pro loco affecto agno-
scentem, repudiantes.

An verò sola hæc membrana inflammetur, an ve-
rò simul pulmones, & muscoli intercostales, contro-
vertitur. *Felix Platerus* quidem *libr. de dolorib. cap. 3.*
semper Peripneumoniam Pleuritidem comitari ex se-
ctione Pleuritide mortuorum se deprehendisse testatur,

& insuper has pro stabiliendâ suâ sententiâ adducit rationes : quòd nimirum sanguis, quem tam citò ægri exscreant, à succingente membranâ inflammatâ, tam subito præsertim, ad pulmones pervenire, eosque ad exspuitionem irritare non possit, sed potius si inde emanaret, in thoracis cavitatem materiam defluxuram, & ibi empyema facturam existimat. Et licet concedat succingentem tunicam quandoque solam inflammari, tamen talē Pleuritidem in quâ cruenta & purulenta ejiuntur, inde fieri non concedit, cum succingens membrana se eò exonerare nequeat.

Verum enim verò etsi negari non possit, sæpè cum Pleurâ pulmones simul inflammari, semper tamen & necessariò hoc fieri non credimus, neque à *Platero* adductas rationes satis firmas judicamus. Non enim adeò admiranda erit subita illa excreatio, si sanguinem transsudare nobis persuaserimus : sed esto, transsudationem non fieri, attamen sanguinem sub humoris quoque specie membranas transilire haud impossibile videtur, nam præter *Galen. libr. de tumorib.* observantem pertenuis nostrumque conspectum effugientes oculorum venulas in inflammationibus valdè inflari ac rubere, ipsa quoque testatur experientia, tenuissimas nonnunquam fibras ita dilatari, ut valdè pateant, nec non sanguinem ex venis capillaribus sponte apertis satis copiosè effluere. Quod si igitur in oculorum aliarumque partium venulis hoc accadat, quid mirum idem quoque in illis, quæ ad Pleuram abeunt, venis fieri.

Alterum Plateri argumentum non majoris videatur esse ponderis. Materiam enim membranam transi-
entem, delabi in cavitatem pectoris, maximè quidem

verum est: at exinde iterum in validâ respiratione, ab hiantibus asperæ arteriæ ramulis, attrahi, *Galen. libr. 5. de loc. aff.* exemplo, quo multa cavitati pectoris infusa statim tussi rejecta est, & æger aquæ mulsæ saporem deprehendit, probat, & *Fernel. libr. 5. de part. morb. & sympt. cap. 11.* modum quo purulenta sputa membranam transiliant, iterumque pulmonem subeant, eleganter describit.

Hæc autem *Galenii* & *Fernelii* sententia veritati satis congrua apparet. Cum enim (si quidem *Spigelio libr. 9. de human. corp. fabr. cap. 10.* & *Veslingio in Syntagm. anatom. cap. 11.* credendum) trachæa venas à jugularibus externis, arterias verò à carotidibus accipiat, arteriæque asperæ nullam cum levibus habeant communionem, quod *Nobilissimus, Amplissimus & Excellentissimus Dn. Rolfincius, Patronus meus venerandus, libr. 6. cap. 23. dissert. anatomic.* luculentissimis rationibus demonstrat, utique omnem humorem in trachæam vel desuper destillare, vel per transsudationem eam subire, vel ex cavitæte pectoris per porosam pulmonum membranam attrahi, quod postremum hoc in Pleuritide fieri *Nobiliss. Dn. Pras. Instit. medic. diss. 9. t. 5.* probat, statuendum erit: tantam enim vitiosorum humorum saburram ex Pleura retrogredi in venam cavam, exinde in dextrum cordis ventriculum, ex hoc iterum per venam arteriosam & arteriam venosam in sinistrum, ex hoc denique per aörtam & carotidas in trachæam transportari, nemo sibi facile persuadere poterit. Per jugulares verò venas ex cava non posse ascendere, satis clarè *Ampliss. Dn. Conringius libr. de mot. sangu. cap. 26.* probat. Transsudatione autem tantam humorum copi-

am pulmonum substantiam subire credibile non est.

Inquirendum porrò , an muscoli intercostales semper simul inflammantur, nec ne? *Gal. libr. 5. de loc. aff. cap. 3.* hoc innuere videtur ita scribens: Quando muscoli intercostales laborant, pleura ipsis consentit & inflammatur: vice versâ, quando pleura primaria affectione laborat, muscoli interni cum ipsa consentiunt. Quanquam autem hoc ob summam dictarum partium viciniam ut plurimum fieri sit probabile, semper tamen necessarium non est, sed membranæ interdum læduntur musculis salvis, & vice versa muscoli salva Pleura. Nam si inflammatio membranæ, & inflammatio musculorum diversa præbeant signa diagnostica, una quoque absque altera persistere poterit. Diversa autem signa proponit *Gal. 6. aph. cap. 5.* Si mediocris, *inquiens*, fuerit dolor, & præterea non pungat, ut qui in membrana succingente est, neque ad claviculam pertingat aut hypochondria, potest carnosus costarum partibus patientibus fieri. Eadem hæc enarrat *Victor Trincavell. libr. de curand. corp. aff. part. cap. 3.*

Progredimur nunc ad CAUSAM quæ vel *Proxima* est vel *Remota*. PROXIMA inflammationis causa est sanguis copiosus & nimium calidus per pleuram diffusus.

Intelligimus autem sub nomine sanguinis non tantum humorem purum, κατ' ἐξοχλήν ita vocatum, sed quoque biliosum, pituitosum & melancholicum, quorum biliosus quidem ob tenuitatem sæpius, pituitosus rarò, melancholicus rarissimè hujus morbi causa existit. *Hipp. lib. de loc. in homin. & libr. 1. & 3. de morb. Ga-*

8
Gen. 6. apharism. 33. Minime quoque excludimus sanguinem serosum, quippe qui sæpissime teste *Carol. Pison. libr. de illuv. seros. observ. 6.* pleuritidem inducat, ideò quod pronus ad fluxum, ratione feri plurimi adfusi: & inflammabilis ratione calidi in sanguine abundantis. Sanguinem autem semper prævalere, cum hic affectus sit inflammatio, hæc autem quæ talis primariò à sanguine ortum habeat, affirmamus.

REMOTIORES causas quod attinet, illæ considerandæ veniunt, *primo*, quatenus huic affectui materiam præbent. *Secundo*, quatenus materiam movent & influxum causantur. *Tertio*, quatenus partem affectam ad recipiendum aptam reddunt.

DE PRIMI GENERIS CAUSIS res plana est, & sunt vel INTERNÆ, ut *temperies* cordis & hepatis calida, plethoræ vel sanguini calidiori generando apta: vel EXTERNÆ ut *Aër* æstuans, frigidus, pluviosus, &c.

SECUNDI GENERIS CAUSÆ pleniorē requirunt indagationem. Cum enim influxus humorum sit motus, primò investigandum erit à quo fiat principio Interno videlicet an Externo. Moventur autem à principio interno, gravia deorsum, levia sursum, cœlestia in orbem, quo etiam pertinent illi rerum motus, qui fiunt ne detur vacuum, item motus ferri ad magnetem. Hoc verò modo non fieri motum in inflammatione probatione vix indigere puto: nemo enim sanguinem innatâ sibi gravitate venarum satis densam & firmam substantiam perterebrare, nedum membranam tam firmiter costis annexam solâ gravitate divellere, multo minus propter vacui metum, quod non datur, vel propter

cognitionem huncce motum fieri sibi persuadebit. Ma-
net igitur, quod influxio fiat motu violento & ita à prin-
cipio externo.

Coeterum horum motuum quatuor esse species
docet *Aristot. libr. 7. phys. t. 10.* tractationem nimirum,
pulsionem, vectionem & vertiginem, quarum quæ hic
locum habeat, videbimus.

Galenus hac in re sibi constare non videtur, nam
libr. de caus. symptom. pulsione, *libro vero 2. de diff. febr.*
tractione fieri & causam attractionis calorem utpote
naturâ humores attrahere aptum, nec non dolorem
statuit, quam sententiam plurimi clarissimi viri, ut *Ca-
pivacc. libr. 2. de aff. med. ventr. cap. 3.* *Heurnius libr. de
morb. pector. cap. 2.* *Duretus comm. in libr. 1. cap. 6.* *Holle-
rii. Senn. libr. Instit. 2. part. 2. cap. 19. & libr. 5. prax. part.
2. cap. 2.* amplectuntur.

Verum enim verò, si rem penitus inspiciamus,
hancce opinionem multis difficultatibus obnoxiam
esse reperiemus. Nam primò, si quærat, quænam sit
causa intemperiei? omnes confiteri cogimur, influxum
sanguinis calidissimi eam statuere: si autem hoc ve-
rum, influxus ut causa, prior esse debet intemperie ut
causato: quod si iterum verum, calor ut posterior influ-
xu, non poterit ejus causa esse. Secundo, quicquid hu-
mores elevat ac resolvit illud non attrahit, sed calor
hoc facit. E. Tertiò calorem non attrahere ad se hu-
morem docent evidenter, quæ in rebus externis appa-
rent, ut loquitur *Argenter. libr. 2. de caus. morb. cap. 6.* si-
quidem videmus lintea humida & humore irrigata ex-
siccari cum igni admoventur, non quod ad ipsum
B 2 ignem

ignem humor feratur vi caloris attractus, cum purissimus & humoris expers maximè sit aër, qui igni est propinquissimus; sed quod humor ab igne excalescens in vaporem mutetur, qui suapte natura sursum attollitur & non versus ignem movetur. Mechanice insuper calorem humidum non attrahere hoc modo probari potest: capiat quis retortam vacuum, eamque imponat vel balneo vel arenæ, postea ejus rostro adjungat cucurbitam, seu aliud vitrum aquâ repletum, luto commissuras claudat & ignem lege artis accendat, tunc videbit quod neque primo neque secundo nec cœteris ignis gradibus vel guttula nedum plus in retortam attrahi poterit.

Videamus autem porrò, an *dolor* hoc faciat? Et *Galenum* quidem cum multis aliis hoc statuere ex superioribus patet, huncque solam, *Fabric. Hildan. libr. de ichor. & meliceriâ* attractionis causam agnoscit. Si verò & hanc sententiam aliquantum accuratius pensitemus, neque illam satis firmam esse patebit: Cum enim *docente Clariss. Coringio libr. de motu sang. cap. 49.* Dolor sit tristis sensio, cum appetitu fugæ conjuncta, quomodo ille quidquam ad partem dolentem attrahere poterit? *Secundo* apud omnes in confesso est, causam doloris esse continui solutionem, solutionis autem continui causam internam, influxum humorum, quod si verum, dolor erit posterior influxu, ideoque non ejus causa. *Tertio* si dolor est symptoma influxus, non poterit ejus causa esse: esse autem symptoma influxus affirmat *Gal. libr. 2. ad Glaucon. cap. 2.* *Quarto* dolor irritat facultatem, teste *Argenter, lib. 2. de caus. morb. cap. 6.* quæ

au-

autem irritant , facultatem ad expellendum movent non ad attrahendum , id quod ostendunt vomitus & alix excretiones , quæ fiunt dum facultas stimulata expellendo adversus id, quod molestat, insurgit. *Quinto* si dolor attraheret, semper ubi esset dolor, hoc faceret, & influxus cum inflammatione fieret , in puris autem corporibus hoc vel nunquam vel rarissime fieri ipse *Fabric. Hildan. libr. de ichor. & melic.* confitetur. Manebit itaque fluxionem non fieri attractione, sed potius pulsione, tantumque calorem & dolorem, multiplicatione vel rarefactione meatuum, fluxioni ansam præbere.

Coeterum cum in omni violento motu , & per consequens in pulsione quatuor sint considerata, Movens nimirum, mobile, terminus à quo, & terminus ad quem, de his ordine agemus.

MOVENS igitur statuimus animam seu calidum innatum, quæ synonyma esse docet *Casp. Hoff. lib. 2. instit. cap. 4. & 149.* Quanquam enim *Galen. cum suis sectatoribus* statuatur, omnem pulsionem fieri beneficio facultatis expultricis ope fibrarum transversarum operantis, ei tamen assentiri non possumus cum à *Cl. Conringio tract. de mot. sang. cap. 9. & 41.* venarum fibras neque contrahi, neque moveri, adeoque nec venas movere, sed tantum tutelæ gratiâ ne facile rumpantur conditas esse, ex *Fallopio, Vesalio, Eustachio, Bauhino & aliis præclaris anatomicis* fusè demonstretur.

MOBILE secundum *Gal. libr. de causis morb.* est sanguis vel ratione quantitatis vel qualitatis peccans, moventemque causam ad expellendum, vel quantitate vel acrimonia stimulans.

TERMINUS à quo communiter venæ statuuntur. Verum si circulationem sanguinis attendamus per arterias potius id fieri existimamus. Ab axillari arteria per ramum thoracicum sanguis ad pleuram potest deponi: si tamen venæ obstruantur & sanguis exinde regurgitet etiam ex iis hoc modo per accidens affluxus fieri potest. Imò credibile naturam interdum venis abuti, & per eos aliquid ad partes mittere.

TERMINUS AD QUEM est duplex illa membrana costas succingens, quarum altera densior & compactior, altera minus firma & debilior. Quæ enim interiùs thoracem cingit, robusta est: quæ verò ad costas spectat, firmiterque his alligatur, minus crassa existit.

Requiritur autem à *Gal. libr. de caus. morb. cap. 14.* in parte recipiente, ut vel sanguis abundans vel vitiosus recipiatur, IMBECILLITAS quædam, seu potius aptitudo recipiendi, quæ unde in Pleurâ oriatur inquirendum erit.

Galenus libr. de caus. morb. cap. 7. eam vel ab errore in prima formatione, vel morbo originem trahere asseverat; ast hoc non solum sufficere, sed aliud quid, cuius ope Pleura tam firmiter costis annexa divellatur, requiri credimus. Eleganter autem hoc describit *Hippocrates libr. 2. de morb.* haud procul à fine, sequentibus verbis: *Ἡ μὲν πleurίτις γίνεται ὁκῆταν πόσις αἰλέες τὴ καὶ ἰχυραὶ καὶ ῥετα λάβωσι. Διαπερμαίνεται γὰρ τὸ σῶμα ἅπαν ὑπὸ τῶ οἴνου καὶ ὑγραίνεται. μάλιστα ᾗ ἢ τε χολῇ καὶ τὸ φλέγμα. Διαπερμαίνεται πᾶ τε καὶ ὑγραίνεται. Καὶ δὴ τῶτων κεκινημῶν τε καὶ ὑγρασμῶν συνκυρήσῃ ὥστε ἐργῶσαι μεθύοντα ἢν τε γήφοντα, ἅ τε ἐὼν τὸ πleurὸν ψιλὸν φύσῃ σαρκὸς, μάλιστα τῶ σώματι καὶ ὅτε ἐόντι αὐτῷ ἐσωθεν τῶ ἀντιστήριζοντι ἔδενός ἀλλὰ κολίης, αἰσθάνεται μάλιστα τῶ ῥίγι. Καὶ ὁκῆταν ἐργῶση τὴ καὶ ψυ.*

ψυχῇ, συνέλκηται τε καὶ δυσπᾶται ἢ τε σὰρξ, ἢ ἐπὶ τῷ πλῶρῳ
 καὶ τῇ φλέβια. καὶ ὅσον τε ἐν αὐτῇ τῇ σαρκὶ ἐν χολῇ καὶ φλέγ-
 ματι, ἢ ἐν τοῖσιν ἐν αὐτῇ φλεβίοισι, τὰ τοῦ πολλὸν ἢ πᾶν ἀπο-
 κρίνεται ἔσω συνωθεόμενον πρὸς τὸ θερμὸν πυκνωμένης τῆς σα-
 ρὸς ἔξωθεν. Καὶ προσηγνύται πρὸς τῷ πλῶρῳ, καὶ ὀδύνῃ
 παρέχῃ ἰσχυρῶ καὶ διαθερμαίνεται. Καὶ διὰ τῆς θερμότητος
 ἀλλὰ ἐφ' αὐτὸ, καὶ ἀπὸ τῶν πλεησίον φλεβῶν καὶ σαρκῶν, φλέγ-
 μα τε καὶ χολῶ. *Quod Foëf. ita interpretatur: Oritur*
quidem pleuritis, cum portiones copiosæ & validae admo-
dum corripuerint, totum enim corpus incallescit & hume-
ctatur à vino, præcipuè verò bilis & pituita tum incallescit
tum humectatur, quibus sanè commotis & humectatis, te-
mulentum sive sobrium rigore corripì continget, præfer-
tim cum latus ex reliquo corpore præcipuè carne nudatum
sit, neque quicquam habeat intus quod renitatur præter
ventriculum, ideoque maxime rigorem sentit: Cumque
rigorem ac perfrigerationem senserit, tum caro quæ est in
latere tum venula contrahuntur seu convelluntur, & quic-
quid in ipsa carne, aut in ejus venulis bilis & pituita inest
id magnâ ex parte aut totum intrò ad caliditatem com-
pulsus, carne extra condensatâ secernitur & ad latus im-
pingitur doloremque vehementem excitat & incallescit,
propterque calorem ad se ex proximis venis & carnibus
pituitam & bilem trahit.

Quibus ritè consideratis confitebimur, Johannem
 Baptistam Helmontium in tractu suo quem *Pleura furens*
 inscribit, nihil novi, neque ab Hippocraticâ doctrinâ a-
 lienâ adferre, quando, postquam archeum seu animam,
 movens in pleuritide posuit, tandem apostematis cau-
 sam occasionalem, statuit rigorem seu convulsionem
 Pleuræ ab acri & acido humore quem Laticem vocat
 exci-

excitatam. Verba eius hæc sunt: *Latex acescens in carnes intercostales incidens facit dolorem Pleuriticum, non autem verum & constantem affectum, sed mox leviculo remedio diffabilem, per insensiles nimirum transpirationes. Hæc verò aciditas confestim dolores parit: doloris autem proprius comes convulsio, in quâ convulsione pulsus antea latens manifestatur, indurefcit arteria & comitatur dolor. At quia convulsio plerumque per intervalla tenditur ac remittitur, hinc fit, quod quoties Pleura spasmus suum proprio motu Blas intendit, toties aliquid fibrarum laceratur à costis: dumq; se vel tantillum remittit, accurrit cruor vicinus in locum rugarum contrahendo fracturam. Hocque iteratis vicibus est causa apostematis magni juxta frequentiam & asperitatem contracturarum.*

Sequuntur CAUSÆ EXTERNÆ quæ triplicis sunt generis: præbent enim vel materiam, vel movent eam, vel pleuram ad recipiendum aptam reddunt. Ad PRIMUM GENUS pertinent, quæ vel Plethoram causantur, ut *Cibi boni & multi nutrimenti, exercitatio moderata, & consuetarum vacuationum retentio: Vel sanguinem vitiosum & acrem producant, ut cibi calidi, acres, nimius aromatum usus, aër calidior, nimia exercitatio. Secundo, SANGUINEM TURBANT & motorem ad expellendum irritant, Motus tum animi tum corporis vehementes, nimius teste Hipp. libr. de loc. in hom. ambiens calor & frigus, quorum hic, referente Celsi l. 4. de re med. cap. 6. comprimendo, ille liquando fluxiones proritat: Æstas præterea, & autumnus pluvialis, Hipp. lib. de aër. loc. & aqu. Tertio PARTEM AFFECTAM ad recipiendum DISPONUNT Tussis, quâ præsentè pectus vehementer concutitur, & membrana à costis dissolvitur, divulsa ve-*

rò

rò humore repletur. Deglutitio rei pectori inimicæ, quod constat ex *Cels. lib. 4. de re medic. cap. 6.* & confirmatur à *Petro Phrygio comm. in libr. Epid. Hipp. part. 3. agrot. 8.* exemplo cujusdam qui frustum fœni dum in ore teneret & masticaret, minimè advertens illud deglutivit, hocque modo pleuritidem incurrit, nec pristinae sanitati restitui potuit, donec prius frustum illud fœni per tussim excreverit. Huc quoque referri possunt *frigus* utpote pectori inimicum, ictus, casus, contusio, potus frigidi. &c.

DIFFERENTIÆ causas excipiunt. RATIONE GENERIS alia est *Legitima* seu exquisita, cujus *Aët. tetrabibl. 2. serm. 4. cap. 64.* meminit: & *spuria*, quam *idem loc. citat. cap. 65.* describit, quod sit affectio quæ videatur esse Pleuritis, cum non sit, eamque occupare infernas costas, & aut nullam aut satis modicam habere febrem adjunctam. His adnumerat *Petr. Phryg. comm. in Epid. Hipp. part. 3. agrot. 8.* eas pleuritides, quæ in rusticis tempore vernali, & hyemali à destillationibus excitantur, & in quibus crassa admodum expuuntur, neque febris insignis accenditur. *Deinde respectu moris* alia malignitatis est *expers*, alia ejusdem particeps & *epidemia*.

RATIONE SUBJECTI variæ reperiuntur differentiæ: alia enim est in latere dextro, alia in sinistro, alia in mediastino, cujus exemplum refert *Petr. Forest. lib. 16. obs. 28.* Alia quoque est ascendens, alia descendens, *Hipp. libr. 2. acut.* Interdum sola pleura, nonnunquam verò musculi intercostales, & pulmones simul afficiuntur.

Respectu CAUSARUM alia est à sanguine puro, alia à bilioso, pituitoso, melancholico, seroso. Interdum etiam flatus hunc morbum quamvis spurium produ-

C

cunt,

sunt, quoties nimirum inter membranas se inferunt, easque à vicinarum partium adhæsu distendunt ac divellunt. *Fernel. lib. 5. de part. morb. cap. 11.*

Pergimus ad SIGNA, quæ sunt vel *Diagnostica*, vel *Prognostica*, & illorum quidem alia *affectum ipsum*, alia *partem affectam*, alia *causas* monstrant, alia denique *præsentem ab aliis affectibus* discernunt.

PRIMI GENERIS seu pathognomonica signa traduntur à *Gal. libr. 12. meth. 7.* & sunt febris acuta, dolor lateris pungens, difficilis respiratio, tussis, pulsus durus & ferrans. Habentur autem à *Galeno* tam firma, ut scientifica appellare audeat. Idem fit à *Carol. Pisone. libr. de illuv. seros. obs. 61.* scribente, quod non sit difficilius ex illorum syndrome pleuritidem designare, quàm ex literarum conjunctione vocabulum formare. Hisce contradicit *Cassp. Hoffm. libr. 3. inst. cap. 49.* eò quod sibi de singulis dubia occurrant. Ejusdem sententiæ est *Zacut. Lusit.* referens, non semper FEBREM acutam adesse, sed interdum diariam, interdum adeò pusillam, ut vix à Medico agnosci possit, interdum plane nullam. *libr. 2. M. P. Hist. cap. 19. qu. 15.* & confirmat hoc *Hist. 20. dub. 12. testimonio Wieri libr. obs. 202. & Cardan. libr. de veneno.*

DOLOREM quoque in maligna, & cum delirio conjuncta pleuritide delitescere *idem Zacut. lib. 2. prax. hist. cap. 3.* innuit.

Similiter RESPIRATIONIS difficultatem, præsentem delirio, non percipi, sed magnam, ac raram esse, ex *Galen. 1. de diff. respir. 12. Zacut. Lusitan. loc. cit.* refert.

TUSSIM denique & PULSUM ferrantem *Zac. Lusit. loc. allegat. & lib. 2. M. P. H. 65. dub. 37.* in dubium vocat, pul-

pulsus hunc vix aut prorsus non perceptibilem esse affirmans.

PARTEM AFFECTAM dolor & situs doloris ostendunt, nec non causæ juvantes: magis enim *inquit Hipp.* illi, quibus suprema membrana inflammatur, quam alii venæsectione levantur. Quod si musculi inflammationem patiantur, vel cum illis etiam exterior membrana, tactu & nonnunquam visu deprehenditur inflammatio, sine vehementi febre tussi & dolore. Dolor quoque si spirando magis sentitur, musculos internos, si verò expirando, externos gravius laborare arguit. *Argenter. lib. de consult. rat.*

CAUSAS monstrantia signa petuntur à temperamento ægri, ipsius ætate, victu, vitæ genere, anni tempore, regione &c. & fusè enarrantur à *Foresto lib. 16. obs. 23.* Inprimis autem causam patefaciunt *sputa*, quorum secundum *Gal. libr. 2. de diff. febr. 9.* spumea & albida pituitam, rubida sanguinem, pallida bilem, causam pleuritidis esse denotant. A *flatibus* verò ortam demonstrant febris absentia, dolor vagus, & per intervalla tantum affligens, tussis, sitis, & calor mitior.

Signa DISCERNENTIA varia sunt: *Spuria* enim à legitima distinguitur febre, quæ vel non est acuta, vel diaria, vel nulla, præterea respirationis difficultas, & tussis non adeò sunt molesta, dolor quoque adest mitior, nec pulsus percipitur adeòensus ac durus.

A *Peripneumoniâ* differt doloris situ & qualitate; in pleuritide enim dolor pungens est & circa latera percipitur, in *Peripneumonia* verò obtusus & medium thoracem occupans.

In *jecoris inflammatione* dolor infra hypochondria descendit, *Gal. 2. de loc. affect.* magisque in dextro sentitur latere, neque est punctorius. Alvi excrementa subcruenta & loturæ carniū similia apparent.

Affecto diaphragmate, ab alienatio mentis statim in principio adest, sequentibus aliis symptomatibus, in pleuritide rarò, imò, teste *Avicennâ*, non nisi morte instante.

Mediastini phlegmonem ostendunt dolor antèrius usque ad ossa pectoris & collum transiens.

Malignitatem arguunt, grassationes morborum malemorum, frigiditas extremarum partium, pulsuum obscuritas, & debilitas, subitus virium lapsus.

PROGNOSIS affectus eventum concernit, & complectitur signa 1. *Salutis & mortis.* 2. *Longitudinis & brevitat.* 3. *Modus eventus.*

Signa igitur salutis & mortis si considerentur *RATIONE GENERIS*, Pleuritis, ut inflammatio cordi vicina, est morbus acutus: *Hipp. libr. 1. de morb.* & periculosissimus, ac mortiferus, non tantum iis, qui imbecilles sunt viribus, sed etiam, qui valentiores ipsis sunt. *Gal. libr. 10. meth. med. 5.*

RATIONE SUBJECTI dextræ lateris phlegmone minus periculosa habetur ab *Avicenna libr. 3. Fen. 10. tract. 4. cap. 1.* quod cordi non adeò sit vicina, ac lateris sinistri. Huic assentitur *Zacut. Lusit. MPH. 18. quest. 19.* ibidem ad *Vallesii* pro contrariâ sententiâ allatas rationes respondens. *Hieron. verò Mercurial. lib. 2. de aff. thorac.* ventilans hancce quæstionem, distinguit inter affectus, symptomata, & curationem: dextræ quæ lateris inflamm.

flammationem ratione symptomatum, quæ ob viciniam jecoris majora adsint, & ratione curationis per supurationem, deteriore esse quam lateris sinistri, asseverat, ideò quod, *secundum Hipp. libr. 2. de morb.* in latere sinistro tutius & facilius secari & uri possit. Ratione verò curationis per resolutionem, dextri lateris esse minus periculosam, cum ob partis caliditatem materia facilius resolvatur. *Nos Nobilissimum Dn. Rolsincium libr. 2. Epitom. cogn. & curand. aff.* sequentes, parvam periculi, siue dextra siue sinistra sit Pleuritis, differentiam statuimus, quoniam utraque cordi, utpote in medio pectore ferè collocato, est vicina. Ascendens porrò descendente est peior, *Hipp. coac. prenot. 381.* quod *Zacut. Lus. MPH. 12. quest. 15.* acriter contra *Petrum Vascum Castellum* defendit.

RATIONE CAUSÆ Pleuritides à seroso sanguine ortas omnium facillimas judicat *Carol. Piso libr. de illuv. seros.* ideò quod serum quam optimè per insensilem transpirationem resolvi, & sensibiliter quoque per sudorem evacuari possit. Mitiores deinde esse fluxiones sanguineas, post pituitosas, biliosas, & melancholicas, *Hipp. 2. prognost.* scriptum reliquit. Et quanquam *libr. 3. de morb.* laterale morbum biliosum, mitiorem cruento statuatur, de vehementi tamen cruento hoc tantum intelligendum esse, *ex loco citato*, colligere licet. Neque est quod objiciamus, bilem ob substantiæ tenuitatem citius ac faciliùs, quam sanguinem posse excreari, nam ob eandem tenuitatem excretionem potius subterfugere, & sæviora symptomata tanquam biliosis morbis communiter juncta, producere, nemo inficias ibit.

RATIONE SYMPTOMATUM. Sicca pleuritis & sine sputo est gravissima. *Hippocr. coac. 381.* Dein malum portendunt vires dejectæ. *Galen. 3. porr. 4.* Strepitus sputi in pectore, vultus demissus, oculus aurigine suffusus, & caligine obductus, sputum nigrum, spumosum, & foetidum. *Coac. prænот. 390.* Delirium *Galen. libr. 2. de diff. respir. 8.* Singultus. *Hipp. libr. 3. de morb.* Dolor initio levis, quinto vero vel sexto die ingravescens. *Coac. 387.* Alvi denique profluvium. *Hipp. 6. aph. 16.* quod tamen sano sensu est intelligendum: moderatam enim pleuritidi supervenientem diarrhæam salutarem esse *Nobiliss. Dn. Rolfincius lib. 2. Epit. cap. 3.* duobus exemplis ex *Valeriola* observationibus adductis confirmat: & *Zac. Lusitan.* simile exemplum enarrat. *Lib. 1. de Prax. Med. admirand. obs. 114.*

BREVITATEM & LONGITUDINEM quod attinet, eam desumere poterimus ex morbi ideâ: ex acutorum enim numero quum pleuritis sit brevem quoque terminum habebit. Ordinarium liberationis terminum subinnuit *Hippocrates 5. aphor. 8.* *Qui morbo laterali laborant, nisi intra dies quatuordecim repurgentur, iis in supurationem deponitur.* Interdum tamen citius terminari contingit, ut idem notavit *Hipp. in prænот. libro,* morbum verò, ait, *agre sustinere, spirationem magnam & densam esse, dolorem minime sedari, sputum agre rejicere, vehementem sitim esse, corpus à febre inæqualiter detineri, alvum quidem & latera vehementer calere, fronte, manibus, & pedibus frigidis, urinas verò & alvi excrementa & somnos, & sudores, unaquæque qualia descripta sunt, mala esse nosse convenit. Si quidem ex his sputo supervenerit, morietur*
ager

ager priusquam ad decimum quartum diem perveniat. Citius ad finem deducitur pleuritis vera, tardius spuria.

2. *A morbi causa*: citius terminatur, si fovetur ab humoribus calidis, tardius si à frigidis.

3. *A signis cruditatis & coctionis.* Memoriae hoc prodidit *Cous 1.aph. 12. Sputum si statim circa initia subappareat, morbum brevem, si verò posterius videatur, longum futurum denuntiat. Urina quoque & alvi excrementa, & sudores ubi apparuerint, judicatu faciles, vel difficiles, & breves vel longos fore morbos indicant.*

4. *A modo eventus.* Perfectè quæ terminatur Pleuritis, citius finitur: quæ imperfectè, tardius. *Qui enim ex pleuritide empyici evadunt, si in quadraginta diebus repurgentur à die quo ruptio facta est, liberantur, alioquin in tabem transeunt, 5. aphor. 12. Exemplum habet Riverius cent. 1. obs. 29. de juvene viginti annos nato, in quo febris producta fuit usque ad trigesimum quintum diem, succedente empyemate, qui tamen aperto thorace & pure copiosè educto sanatus. Hildanus C. 5. obs. 31. duas adducit historias, unam de virgine non rectè curatâ, ubi dolor gravativus remansit in latere affecto, succedente post tres menses febre acutissimâ novâ, quâ materia vitiosa ad omnes ferè totius corporis articulos fuit cum dolore protrusa, ortusque in primis in genu dextro tumor, & dolor satis gravis, qui diutius perduravit: Alteram de aliâ virgine, cui post aliquot menses à decubitu, quum tussis & dolor remansissent, venter circa finem costarum verarum fuit apertus & pus copiosum eductum.*

MODUM EVENTUS quod concernit, pleuritis ter-
mi-

minatur vel ad MORTEM per suffocationem, vel ad VITAM & quidem vel *perfectè*, vel *imperfectè*.

PERFECTE per *eductionem* humoris, & *suppurationem*: educitur autem humor interdum per insensilem transpirationem vel sudorem, sæpiùs per sputum, rarò per alvi, vel urinæ fluxum. Per *insensilem transpirationem* & *sudorem* terminationem ostendunt, causa morbifica tenuis, calida, benigna & pauca, præsertim in corpore raro, & valido. Per *sputum*, materia benigna, nec admodum copiosa, sputa laudabilia in principio & facilè elevata. Per *alvum* & *urinam* rarò, uti dictum, humores in pleuritide ejiciuntur, quoniam via eò difficilis est: si verò accidat, materiam per circulationem ad cor retro-vehi, & exinde per arterias mesentericas ad intestina, vel per emulgentes ad vesicam transportari, vel in urinæ excretionem, per communionē venæ αζύγæ cum emulgente, primo à Nicolao Novocomensi inventam, & à Fallopio stabilitam, evacuationem institui, ex Nobiliss. Dn. Rolfincio libr. 2. Epit. cogn. & curand. cap. 3. affirmamus. Perfectæ criseos per hæmorrhagiam narium & urinam cruentam meminit Zacutus libr. 2. prax. hist. obs. 9. *Suppurationem* verò imminere intelligemus, si pleuritis sit magna, si dolor fixus in loco maneat, vel etiam unà cum febre intendatur, si præterea sputum non procedat, aut omninò paucum sit quod excernitur, idque maximè sanguineum nec malignum, si quoque difficilis & cruda inflammatio plus justo maneat, nec juvetur ab evacuantibus & aliis remediis quæ suppurationem impediunt. Cùm verò jam fit suppuratio, certa secundum Argenter. libr. de consultand. rat. adsunt indicia ex rigo-

rigore, qui necessariò omnes internarum partium sup-
purationes comitatur. Quod si verò humor impactus
non in pus, sed putredinem vertatur, augentur signa le-
thalia, & abeunt quæ salutem aliquam promittebant,
apparetque latus lividum, aut nigricans, aut virescens.

IMPERFECTE terminatur hic affectus per *μετέπλευ-
σιν* in *Tabem*, teste *Hipp. sect. 5. aph. 15*. Si post suppuratio-
nem & eruptionem puris quadraginta diebus non re-
purgentur, qui laborant, in tabem transeunt: Vel per
πύρεσιν in *Empyema* *Hipp. libr. 1. de morb.* interdum et-
iam in *Peripneumoniam* *Hipp. libr. de aff.* rarò tamen in-
nuente *Gal. 7. aphor. 17*. Rarò autem hoc contingere do-
cet *Hieron. Mercurial. libr. 2. de affect. thorac. cap. 6*. ideò
quod, si pleuritis magna, prius jugulet quàm converta-
tur in alium morbum: sin exigua, perfectè solvatur: sin
medio pacto, ex succis pituitosis & crassis conflet, inde-
que potius in *Empyema* quam in *peripneumoniam*
transeat.

Expectandum autem est *Empyema* secundum *Gal.
comm. 2. in libr. de nat. hum.* si dolor lateris non mitige-
tur, neque per sputum, neque per alvum, neque per u-
sum rectum medicamentorum. *Peripneumoniam* suc-
cessuram indicant pulsus solito crebriores, & molliores,
calorque in cavitate pectoris vehementior: Accedit si-
tis & genarum rubor, dolor latus infestare desinit, spira-
tio tamen difficilior, & febris vehementior redditur.
Argenter. libr. de consult. rat.

Cognitâ perspectâque morbi indole, ac moribus
ejus rite exploratis, proximum erit, ut quâ ratione, ac
methodo hic affectus sit curandus, videamus. Quod, ut

rectè fiat, Indicationes, quippe quæ Medico dogmatico rectæ curationis sunt monstratores, perpendendæ.

Hæ igitur INDICATIONES sumuntur à *Morbo, Causa morbi, Symptomatibus, & Viribus*. Et morbus quidem, quùm sit intemperies, alterationem, Causa, remotionem, Symptomata, mitigationem, Vires, conservationem postulant.

Coeterùm quùm morbus, nisi causâ ejus sublata removeri nequeat, illa primum aggredienda est, & variis remediis, pro ratione humoris influentis, influxi sed nondum fixi, & tandem impacti oppugnanda. *Galen. 13. meth. med. cap. 2.*

Primò itaque influens, & adhuc in motu persistens humor revellendus, illapsus & nondum fixus derivandus, discutiendus, & quoquo modo è parte tollendus, fixus verò si resolvi nullo modo possit, maturandus, & evacuandus.

Notandum autem, quod, etsi influens humor nonnunquam repulsionem indicet, tamen in pleuritide, ideò quod inflammatio à motu sanguinis introrsum non sine magno ægri discrimine momentum haud mediocre caperet, minime sit adhibenda.

MATERIA PRÆSIDIORUM hauritur ex tribus confectis fontibus: *Chirurgico, Pharmacéutico, & Dietetico.*

CHIRURGIA offert generosum venæsectionis remedium, de qua, an, quando, & ubi locum habeat, merito inquirendum.

An conveniat, anxie non disceptandum, quùm Pleuritis sit morbus acutus, & à defluxione sanguinis ad pleuram dependeat. Adeò necessaria, ait *Riverius*, est ve-

na sectio in hujus affectus principio, ut nunquam omitti debeat, & in senibus, pueris, gravidis mulieribus, puerperis, & menstruas purgationes patientibus, quibus omnibus experientia docuit phlebotomiam, præsentē hoc affectu, fuisse utilissimam.

Quando administranda, ipsa defluxio notat, utpote quæ statim in ipso principio revulsionem, & in progressu derivationem desiderat. Si tamen ea in principio fuerit omissa, aut non sufficienter celebrata, etiam post septimum, nonum aut undecimum venam aperire licet, exemplo Hippocratis qui 3. Epidem. Anaxioni, octavo die venam secuit, vel quod citius non fuerat vocatus, vel quod in pleuritide crudissima, quæ undecimo die vix coqui cæpit, morbus inducias tulerat.

Ubi seu quo in loco referenda sit vena, inter authores non convenit, dum alii in latere affecto, alii in opposito eam instituendam esse contendunt. Contentio eâ de re olim cum inter Græcos & Arabes, tum postea inter Italos, Gallos, Hispanos & Germanos fuit acerrima, adeo ut ad magistratum res fuerit delata, qui tumultuosas istas disceptationes auctoritate suâ sopiret. Variorum authorum sententias collegit Senner-tus, concludens tandem, in principio statim ob revulsionem in parte oppositâ, & demum ad derivationem in brachio lateris affecti venam esse aperiendam. Julius Scaliger suis observationibus in comm. in libr. Hipp. de insomniis olim idem corroboravit: Jam duodecim viginti annos, ait, non nisi unum vidimus, ex eadem parte incisâ venâ evasisse. Et sane corpus erat athleticum, ut etiam magis miraremur. Verum scimus multos etiam sine phlebotomia fuisse sanatos. At plus octoginta redeimus in com-

mentarium, quinto abhinc anno, qui omnes eo curandi genere sunt extincti, quum plus quingenti his duodecim annis evassissent, quibus in adverso cubito vena aperta fuerat.

Fabricius Hildanus verò suâ experientiâ contrarium propugnare nititur, affirmatque se omnes pleuriticos curasse venæsectione in brachio lateris affecti institutâ, nec unum ex illis interiisse; pejus autem habuisse, quibus sanguis in brachio opposito fuisset subductus.

Lazarus Riverius in praxi medica eandem defendit sententiam, dicitque sanguinem detrahendum esse statim ab initio è basilica ejusdem lateris, idemque in suis observationibus sæpius cum fructu imitatus est.

In hac summâ sententiarum contrarietate, certum quid statuere, & uni palmam tribuere perdifficile est, quum quivis non rationibus, sed ipsâ rerum magistrâ experientiâ suam muniat effatum. Existimamus tamen totam hanc controversiam posse componi, & utrumque curationis modum locum habere, modò sequentes observentur cautelæ. Nimirum potest revulsionis gratiâ in principio morbi vena in brachio lateris oppositi, & sequenti die in latere affecto derivationis ergò vena secari. Vel potest statim in brachio lateris affecti vena aperiri, ita tamen, ut aliquoties ista apertio repetatur. Et hac ratione non solum derivationem sed quoque commodè revulsionem fieri posse putamus. Nam cum arteria sanguinem ad pleuram deducens sit thoracica, & hæc cum brachiali ex eodem trunco, axillari nimirum oriatur, quis non videt, quòd sectâ in brachio venâ sanguis evacuetur ex arteria brachiali, & ita revellatur fluxurus ad thoracicam, adeoque ad ipsam pleu-

pleuram. Vena, inquiunt authores, quæ revulsione ergo aperitur, debet consensum cum parte mittente habere, & esse è directo partis recipientis, ut affluxurus sanguis ad contrariam partem revocetur, & impetus iste sistatur. Jam verò non solum venæ brachii oppositi, sed & lateris affecti consensum habent, hæ quidem propinquiores, illæ verò remotiores: unde revulsio quidem fit ex venis brachii oppositi, sed ad totum venosum genus materia affluxura revellitur, ibique sanguineæ massæ admixta permanet, donec vel alio modo à natura vinci, vel per alias conventiores vias evacuari queat; ideoque hæc revulsio est debilior. Ex venis verò brachii lateris affecti propinquior est revulsio, & statim fit ex arteria sanguinem ad pleuram mittente, & sic non solum sanguis ad pleuram affluxurus ad brachium revellitur, sed & maxima ex parte simul evacuatur. Proinde hic fieri videtur laudabilior revulsio, cum non solum sanguis vitiosus revellatur, sed simul evacuetur, id quod eleganter demonstravit *Clariss. Conringius libr. de gen. & motu sangu. cap. 39.*

Quum tamen sanguis peccans queat esse copiosus, copiosior quoque educi debet è latere affecto, ne si non sufficienseductio instituta fuerit, reliquus ad partem affectam præcipitetur, majores daturus turbas. Imò si in principio medicus non fuerit advocatus, aliquot dies præterierint, affluxus jam cessarit, & vitiosus sanguis jam in pleura hæreat; in parte opposita secta vena nihil prodesset, in latere affecto adhuc cum insigni fructu aperiri posset. Si verò vel diminute fluentibus vel nuper obstructis mensibus in fæmina pleuritis superv-

niat; saphenam pedis ejusdem lateris & dein in brachio aperire præstabit.

Quantum sit sanguinis evacuandum, morbi vehementia, plethora, vires & ætas indicabunt. *Hildanus* in matrona Bernensi uncias circiter decem evacuandas præcipiebat. *Mitti*, ait, *Riverius* debet sanguis singulis diebus, donec dolor & febris multo mitiores evaserint, imo vero interdum bis in die quum peracuta pleuritis est. *Hipp. 2. de rat. vict. in acut. t. 10.* regulam hac de re in praxi utilissimam posteritati reliquit, nimirum ut mittatur sanguis usque ad coloris mutationem. Si nimirum primâ aut secundâ phlebotomia sanguis appareat crudus, pituitosus, aut aquosus, continuanda singulis diebus, aut bis in die evacuatio, donec sanguis deductus rubicundus appareat aut flavescens. Si verò in principio ruber appareat iteranda toties phlebotomia donec lividus aut niger appareat. Significatur enim, sanguinem illum posteriorem à parte affecta aut venis ipsis vicinis effluere, qui quidem à calore partis inflammatae alteratus est, & ex crudo ruber factus, vel ex rubro niger, aut lividus per adustionem. Aliquando tamen addit *Riverius cap. de pleurit.* illa coloris mutatio pertinaciter expectanda non est, sed prius à sanguinis missione desistendum, quum videlicet aut vires sunt debiles, aut æger habitu raro, aut valde resolubili præditus, aut tempus anni calidissimum. *Zacutus l. 2. prax. hist. obs. 1.* in rustico quadragenario tres libras sanguinis unâ vice evacuabat, & ita sævissimam pleuritim citò sanabat.

Abstinendum tamen interdum & à venæsectione, ut in pleuritide mitiore, de qua locus *Hipp. 6. epidem. in fine* intelligendus: *In cruenta spuentibus, sanguinis detra-*

Etionem prohibent anni tempus, lateris dolor, bilis. Galenus comment. in hunc locum adducit Historiam de quodam qui leviori pleuritide laborans sine venæsectione curatus est. Scaliger. in comment. in libr. Hipp. de insomniis, qui locus supra citatus, testatur multos etiam sine phlebotomiâ fuisse sanatos. Imò ubi nulla adest plethora, febris non acuta, dolorque mitis, omnino curationem sine venæsectione tentandam esse statuimus, quâ de re habet Zacutus l. 2. de med. Princip. histor. 22. Hæ circumstantiæ si adsunt, Helmontii effato subscribimus, curationemque omnem sine venæsectione, solis specificis peragendam esse ambabus largimur manibus. Ubi autem fortis adest plethora, antea latam sententiam defendimus.

Hippocrates libr. de morbis aliam addit cautelam: si quidem dolor, ait, ad jugulum de se significationem præbeat, ad brachium verò & circa mammam & supra septum transversum gravitatis sensus insit, internant in cubiti flexu venam secare, & quam citissimè copiosum sanguinem detrabere convenit: sin verò eos quæ sub septo transverso sunt partes, dolor affligat, nullamq; ad jugulum de se significationem præbeat, alvum vetratro vel peplio emollire oportet. Idem sub finem hujus libri iisdem fere verbis repetit. Huic sententiæ favet Aëtius tetrabibl. 2. serm. 4. cap. 68. & 96. innuens, quosdam medicos errore seductos venam cubiti secuisse ægrosque jugulasse.

In malignâ tandem pleuritide præstat rem alexipharmacis, specificis antipleuriticis mixtis quam curiosa venæsectione curationem instituere, ne malignitate ad interiora retrocedente ægrotus in periculum præcipite-

pitetur, & mors sequatur, quod *Riverio* contigit in fæminâ quadam pleuritide maligna laborante, quæ à venis crebro sectis obiit. *C. 1. obs. 72.*

CUCURBITULAS intetdum hic locum habere non est dubitandum, quando nimirum affectus est levis, atque per ætatem, vires & alia de causa ad venæsectionem devenire non consultum. *In declinatione* etiam, ut suadet *Riverius*, post purgationem & febrem valdè immutam, si dolor perseveret, admoveri poterit ipsi parti dolenti cucurbitula cum scarificatione. Imò & sequenti die iterum applicari ad sanguinem denuò extrahendum. Possunt etiam applicari ante declinationem post iteratam phlebotomiam bis aut ter. Et si dolor augeatur, vel redeat post aliquot tempus, iterum secabitur vena, & post applicabitur cucurbitula. Idem *in cent. 3. obs. 39.* profundâ scarificatione vidit materiam purulentam copiosam educi.

CAUTERIUM *Zacut. Lusit. l. 2. prax. histor. obs. 5.* in pleuritico, in quo vena erat secta, scarificatio celebrata fomentaque adhibita, dolor intensus adhuc die vigesimo urgebat, cum fructu admovit.

FRICTIONES & LIGATURÆ extremorum in revellendo nonnihil quoque levamenti afferre poterunt.

PHARMACIA chirurgiam excipit, remedia tam interna quàm externa depromens. Ante omnia autem Clyster emolliens injiciendus, si tamen affectus valde urgeat, plethoræque adsit, à venæsectione demum id curandum ut primæ laxentur viæ, sordibusque eductis futuris remediis aditus fiat facilior. Ut,

Rx. Rad.

Rx. Rad. alth.
lib. alb. an. ʒj.
fol. malv.
alth.
parietar.
mercurial.
flor. melilot.
violar. an. Mʒ.
sem. lini
fænugr. an. ʒʒ.

Coqu. in s. q. aqu.

Rx. Colat. ℥j.
cassia pro clyster. ʒvj.
diaprun. solut. ʒʒ.
ol. violar.
chamamel. an. ʒj.
M. f. clyster.

Rx. Fol. parietar.
violar.
branca ursin.
flor. chamem.
melilot.
malv. an. Mj.
sem. lini
fænugr. an. ʒʒ.
Coq. in s. q. lact. ca-
prini, vel juris car-
nium.

Rx. Colat. ℥j.
ol. lilior. alb. ʒʒ.
cassia extr. ʒvj.
Olis ʒʒ.
M. f. Clyster.

Si æger sit delicatulus, & à Clysterum usu abhorreat,
lenientia per os danda.

Rx. Cremor. ♀. ʒʒ.
succivele extracti. viol.
per se inspissati ʒj.
solvantur in brodio
carnis
D. calide.

Rx. Cremor. ♀. ʒʒ.
manne calabrin.
ʒʒ.
solve in seri caprini
s. q.
D. calide.

Augustus Thonerus l. 2. obs. med. præ cæteris com-
mendat ol. amygdal. dulc. in jure galli vel cum saccha-
ro sumptum, tam ad solvendam alvum, quàm ad dolo-
rem leniendum. Rodericus à Fonseca oleum lini extollit.

VOMITORIIS hanc gravem pleuræ calamitatem tentare, multis practicis est religio. *Rulandus* tamen, & *Hartmannus* aquam benedictam sæpius cum fructu exhibuere. *Riverius in obs. communicat.* 29. hoc remedii genus quoque commendat: omnes pleuritici, ait, qui vomunt statim in principio morbi evadunt, ut in infinitis observavi, levatâ pleurâ ab humorum sarcina vomitus beneficio.

PURGANTIA ne febris augeatur, & humores ad partem affectam magis præcipitentur plurimorum consilio fugienda. *Rulandus* tamen cum extracto esulæ, tum etiam aquâ suâ benedicta, copiosè & quidem felici cum successu, suos purgabat pleuriticos.

Cent. 1. curat. 18. hoc.

habet.

Rx. Extract. esulæ. ℥ij.

seri lactis ℥ij.

F. haustus, quo rectè evacuatus est, & ore & alvo, meliusq; habuit.

Cent. 1. cur. 23.

Rx. Aq. benedict. 3j.

fontan. 3vj.

sirup. viol. 3℔.

M. propotu, quem frigide bibit, oreq; & alvo rectè evacuata est agrot.

Hippocrates lib. 2. de rat. vict. in acut. t. 11. purgationem quoque cum peplio & veratro in descendente pleuritide (id est, quando partes sub septo transverso dolor infestat, nullumque ad claviculam signum fecerit) expresse commendat. Idem subinnuit. 2. prognost. 52. ubi in pleuritide usus est eclegmatis, ventris subductione, venæsectione, diæta, & medicamentis, per quæ autem non intelligit fomenta, sed purgantia: nam per medicamentum absolutè ab eo vocatum purgans debet intelligi, ut constat ex 1. aph. 22. & 4. aph. 10. Galenus l. 4.

acut.

acut. 76. hanc quæstionem ita determinat, & ait: *nam vel statim ab initio priusquam in partem aliquam firmati sint humores, medicandum, vel postea cum concocti fuerint. Quam ob causam prima interdum die, & secundâ & quartâ, & interdum quintâ medicati sumus, & non in quartâ solum.* Zac. Lusitanus Augenii, Vallesii, Mercurialis, Heurnii & Dureti rationibus in contrarium allatis discussis, tandem concludit, convenire purgationem vel *ut remedium revulsorium*, quod tamen statim in ipso principio exhibendum sit, prævia quidem prius decenti venæsectione, vel ut *remedium eradicativum* in declinatione nimirum, & cum humor noxius tum in vasis, tum in parte phlegmone obsessa impactus concoctus fuerit.

In morbi augmento tamen, & quando jam sputum rite rejicitur, non temerè purgatio administranda, hoc non advertens quidam Medicus, ait *Zacutus l. 1. de prax. admirand. obs. 116.* qui licet videret ægrum pleuritide affectum, in octavo die morbi constitutum, cum conferentia, per sputum sequuta vacuatione multa, eum tamen expurgavit, solâ febris vehementiâ perterritus, qui assumpta portione ex Rhabarbaro & Diaphœnico paratâ, cohibito sputo, acutâ febre, dolore intensiore facto post quatuor dies è vita migravit. Sic mortuus est *Scomphus libr. 5. epid. num. 3.* de quo sic habet *Hippocrates.* Scomphus in Oeniadis pleuritide correptus, mortuus est septimâ delirus. Pharmacum autem bibit infra purgans, priore ante portionem die mentis compos erat, & purgatus est non multum, quum autem purgaretur, deliravit. &c.

Eligenda autem sunt leniora, ut tamarindi, cassia,

rhabarb. cum syrup. rosar. & violarum solutivo, me-
choacanna, fenna, interdum aliquid agarici addendum.

Ⓢ Antimoniatum commodè admisceri poterit.

ALTERANTIA non sunt negligenda, & dirigenda
ad humoris peccantis alterationem : Materia si sit ni-
mis acris, mitiganda, si tenuis incrassanda, nimis calida
refrigeranda, eaque quæ dolorem nonnihil leniunt ad-
miscenda

Rx. Aq. papav. rhæad. ℥iij.

sir. violar. ℥j.

Olis prunell. 3s.

F. Julebus.

Rx. Amygdal. ℥j.

sem. 4. frig. maj. an. ℥B.

sem. card. mar. & papav.

alb. an. ℥ij.

f. l. a. Emulsio cum

s. q. aqu. papav. rhæad.

Edulcoretur sir. viol.

adde magist. corall. per-
lar. an. ℥j.

M. D.

s. Stärckmilch.

Rx. Aq. tusilag.

papav. rhæad.

an. ℥ij.

acetos. ℥j.

sir. viol. ℥j.

spir. 3. min. q. s. ad sa-
porem.

M. F. Julebus.

Rx. Aq. papav. rhæad. ℥iiij.

amygdal. dulc. ℥j.

F. Emulsio.

Edulc. man. Christ. perl.
adde dentis apri præp. ℥j.

M. D.

s. Milch umbzurütteln.

ANTIPLEURITICA SPECIFICA etiam vel statim à ve-
næsectione, vel in progressu morbi offerenda.

Helmontius tantum hisce tribuit, ut si vera eligan-
tur, omnem pleuritidem, & peripneumoniam iis sine
omni venæsectione sanari posse contendat. In primis
magni æstimat pulverem de priapo cervi vel tauri vel
cruorem hirci, vel succum cichorii sylvestris, & similia.

Hir-

Hirci cruorem hoc modo colligendum suadet: hircus suspendatur cornibus, testes resecentur, & cruor inde usque ad mortem emanans colligatur.

Ab aliis commendantur semen cardui mariæ, carduibened. cortex avell. rubr. lapid. cancerorum, dens apri, castoris, lignum visci querni, mandibula lucii cum dentibus, & crux in capite ejus inventa, lapides carpio-num, percarum, talus leporis, capreoli, sperma ceti, corallia rubra, ☉ hyperici, bezoarticum minerale, anti-mon. diaphoret. Spir. ♀. mixt. s. fl. ♀, ☉. anodyn. ☉ corallifat. sp. ♀. ☉ ♀ i.

Celebratissima quoque est tragea pleuritica *Quercetani*, & succus chamælionis *Philippi Melanchtonis*, quo se plures restituisse refert.

Quercetanus porro in *pharmacop.* laudat pomum excavatum, & thuris masculi ʒj repletum, & ad ignem coctum, quod æger deglutiat superbibendo aqu. card. bened. ʒiij. postea lectulo benè munitus sudet. Hoc remedium post tertium diem usurpandum esse vult, eo-que asserit multos fuisse restitutos.

Flores buxi adeò sanguinem purgare feruntur, ut si eorum pulveris ʒj. cum aq. papav. rhœad. exhibeatur & sanguis post horam mittatur, is floridus deprehendatur.

Riverius cent. 2. obs. 89. pleuritico fuliginis camini pulverisati ʒß. in aq. card. benedicti exhibuit, à quo multum lexatus est, & postea sensim convaluit.

Rulandus Gent. 1. curat. 59. hoc solo restituebat pleuriticum: ʒ. fl. centaur. min. Mij. rad. asari ʒiß. Coqu. in

f. q. aquæ ad dimid. Ex hoc decocto quotidie dedit ℥v. calide, & copioso sudore provocato sanatus est. Alibi usus est solo decocto cardui benedicti ad 8. dies.

EXPECTORANTIA toto morbi decursu simul per vices admiscenda, ut tussis leniatur & materia ad exitum faciliorem disponatur. Æger frequenter in ore saccharum rosac. violac. vel si materia sit nimis tenuis tabellas diatragacanthi frig. teneat, vel utatur syrupo violac. jujubin. de glycyrrh. psyllio, tussilagine.

In tenui materia.

℞. Sacch. penid. ℥j.
rotul. diaireos s.
diatrag. frigid.
an. 3ij.

passul. enucleat. ℥ß.

sem. malv. 3j.

papav. 3ß.

M. Cum s. q. sir. viol. pro
formâ linctus.

In crassa materia.

℞. Sir. capillor. ven.
de glycyrrh. an. 3j.
de tussilag.
oxymel. s. an. 3vj.

M. D.

℞. ol. amygd. dulc.

oxymel. s. an. 3ß.

sacch. penid. q. s.

M. F. loboch.

DIURETICA commoda esse possunt, quia sæpius natura sponte per urinas purulentam materiam evacuet, quale exemplum habet Zacutus libr. 1. de prax. med. admirand. obs. 118. & Fabric. Hildanus C. 1. obs. 31. Imò & sanguinis motu critico pleuritis fuit soluta, ut habet idem Zacutus libr. 2. prax. hist. obs. 9. Convenient decoctum s. radic. aperient. capillus ven. glycyrrh. ciceres rubr. therebinth. spir. ☉ ☽ & alia.

NARCOTICA, quidam practicatorum, urgente dolore & vigiliis, ut philonium Rom. laudan. opiat. sirup. d. papavere ægrotis propinare solent. Verum cautè hæc

ten-

tentanda esse putamus, ne sputum reprimatur & æger in vitæ periculum præcipitetur, quod contigit pleuritico cuidam apud *Zacutum l. i. de prax. med. adm. obs. 115.* qui licet in declinatione esset constitutus, obiit tamen ex usu philonii ad ʒʒ. assumpti. Aqua tamen chamæmeli & papav. rhæad. tutiora esse queunt in eum scopum remedia.

TOPICA levem pleuritin sæpe sola tollunt, graviolem sublevant partim dolorem leniendo, partim materiam resolvendo, & ad exitum promovendo.

℞. Ol. lilior.

chamamel.

amygd. dulc. an. ʒj.

butyri rec.

axung. gallin. an. ʒj.

M. F. linimentum.

℞. Ungu. dialth. ʒʒ.

pulv. rad. ireos. ʒʒ.

ol. amygd. dulc.

medull. crur. vituli.

an. q. s.

M. F. linimentum.

A cerâ, & mucilagibus, cum obstruant poros, abstinendum.

Si maligna, & pestilens sit pleuritis ol. scorpion. Matthiol. vel theriacæ modicum linimentis sociandum.

Linimentis fots convenientes succedere possunt.

℞. Rad. alth.

lil. alb. an. ʒij.

fol. malv.

violar.

parietar. an. Mj.

sem. lini

fœnugr. an. ʒj.

fl. chamamel. violar.

sambuc. melilot. an.

p. j.

M. Coq. in lacte

F. Fots.

℞. Rad.

℞. Rad. lilior. alb. No. j.

fol. alth. Mj.

flor. hyper.

verbasco. an. Mss.

sem. lini ℥j.

Coq. ad mollitiem cum lacte

adde pulv. flor. chamamel. ℥j.

ol. amygdal. dulc. vel

axungia anserina q. s.

M. F. Cataplasma.

Gallina viva per spinam lecta, pulv. ireos flor. con-
sperfa & admota adhuc calens, multum prodest.

Omentum vervecis recentē extractum & adhuc
calens adhibitum optimum dicitur esse anodynum.

Ol. ceræ linimentis cum fructu potest admisceri.

In eundem finem ad reliquias materiæ morbificæ
discutiendas applicari potest emplastrum de sulphure,
vel de baccis lauri.

Si à febrili æstu linguæ accedat ariditas, & ei suc-
currendum. *Rulandus* hoc usus est gargarismate: ℞. Sem-
pervi Mij. Coqu. in aqu. ℔ij. ad tertias. Colaturæ adde
aceti. ℥ij. F. Gargarisma, eoque sæpius calide utendum.

DIÆTA accuratissime observanda. Aër sit tem-
peratus: frigidus enim pectori inimicus. Viçtus sit te-
nuis & refrigerans, & parcior usque ad statum, à statu ve-
rò plenior. Convenit cremor ptisanæ, juscula pullo-
rum, item poma Borstorfiana exsiccata cocta & cum
saccharo condita. *Zacutus libr. 1. de prax. med. adm. obs.*
119. seni cuidam ex pleuritide empyematico febre assi-
dua, tussi que sicca laboranti lactis asinini potum per tres
menses cum fructu obtulit. A statu ad carnes pullorum
gallarum, avium que montanarum transcundum. A-
cetum aliaque constringentia devitanda, ne sputum
cohibeatur & periculum accersetur, quod contigit
pleuritico apud *Gal. libr. 1. de vict. rat. in acut. comm. 27.*

qui

qui licet jam esset in declinatione, ex lenticula tamen cum aceto confecta assumpta sputo represso suffocatus est. Decoctum tamen seu jus primum de lentibus *Zacutus* commendat.

IN POTU vinum durante febre non admittendum. *Hippoc.* quidem pleuriticis vinum dulce commendat, detur autem non nisi morbo jam manifestè declinante.

Cerevisia sit tenuis, vel sumatur decoctum hordei, liquiritiæ, papav. rhæad. cum rasur. C. C. passul. en. cui aliquot gutt. spir. 3. miner. instillari possunt.

Somnus, motus, quies, omnia sint moderata. Alvus si suo non fungatur officio, clysteribus sollicitanda.

Animi perturbationes, inprimis ira, terror, timor fugienda.

ADversus laterale malum qui bella moventem
Te video, erectis superantem & prælia palmis,
arma virumque cano. Tua sit victoria victis
opprobrium. Immortale decus, ventura, corollam,
Fama, Tuo capiti ex merito superaddat, & almæ,
CALENI, Patriæ de Te spes clara secundet.

συνχαίρων adponebat

Joh. Theodorus Schenck, M.D. P. P.

Academiæ h. t. Pro Rector. Fac. Decanus.

CALENI, Aonidum decus immortale sororum,
dum virtutis amor te invitât ad ardua, nec non
sublimem adscendis magnâ cum laude cathedram;
ex animo tibi gratamur: votisque PARENTIS,

*Incano senio, & longis venerabilis annis,
nostra quoque ingerimus: FELICITER OMNIA CEDANT
obviaque Clariis te cingat adorea fertis.*

& Quiaq; evenia adponebat

Guernerus Rolfinck, Phil. Med. D. P. P.

Quando depromis peracuta pleuræ
tela de doctâ cathedrâ, CALENI,
tot peractorum meritò laborum
præmia poscens;
mente quid volvam, mea vel ferant quid
vota? quàm virtute replere possis
nomini gratum quod inhæret omen,
sisque GALENUS.

Quod ex animo præcatur

P R Æ S E S.

Prefixam ad metam, Caleni, proximus adstas.
Inde brevi laurus cinget honora comas.

Clariss. Dn. Doctorando, civi, convictori,
amico singulariter habendo, bonæ
scævæ ergò apponeb.

*Philippus Horst Brunsvigas, Prof. Publ.
Facult. Philos. & Academia totius Senior.*

PHœbigenos inter juvenes celeberrima proles;
quâ mage vix caram terrâ Brunonis habet.
Sacra quod assiduus studio fervente Galeni
quæris, & Hippocratem sedulus arte colis,
Hinc tibi puniceam concedit Apollo Tiaram,
sæpius ut trito pulvere victor eas.

*Clarissimo Dn. Doctorando, Fautori & consalino
suo honoratissimo animitus gratulatur*

Henning Pape.
Her.

Herbis & verbis Medicorum est pelleremorbos;
 Sic poterunt omnes verè sanare dolores,
 Si rectè norunt agris adhibere medelam.

Hanc artem quoque Tu didicisti Clare CALENI:
 Perge Machaoniis porrò sic artibus uti,
 Et modò cura agros rectè, atque precare, sequentur
 Fructus perdulces, ac Gloria, Præmia, Fama.

Ergo Tuis captis adsit supremus Jova,
 Ut scandas cathedram felix, felixq; recedas.
 Vive Tuis tandem, totumq; viresce per orbem!

Quibus exiguis

Clarissimo Dn. Doctorando Commenfali atque
 Amico suo faventissimo animitus gratulatur

Christoph. Ernestus Zaube/ Helmstad.

Mortalium quo pluribus malis vita
 Obnoxia est, & mille semper exposita

Morbis; eo Medicina laude majori

Digna est, nec ejusdem peritus est parvi

Faciendus, orbi cum salutifer toti

Arcana Naturæ latentia indagans

Valensque persanare corpus ægrotum.

Talem, Caleni, Te Virum esse testaris,

Scientiam dum publice tuam profers

Morbis medendi, tetricamque deformas

PLEURITIDEM. Si pergis, ominor certe:

Brevi Galenus ex Calenio fiet.

Hiscè levidentibus Clarissimo Dn. Doctorando,
 Convidtori ac Amico suo pl. honorando de
 supremis in Medicina honoribus ex ipsa
 animi mente gratul.

Autor Dammann/Brunovic:

Rem

R Em facis egregiam, qui Palladis atria scandis;
Spes patriæ dulcis delictumq; tuæ.
 Sic Themis ipsa tibi donabit præmia digna,
Quæ dotes animi promeruere tui.

Gratulabundus commensali ac amico suo
 dilecto apposuit.

Joachim. Friederic. von dem Knessebeck/
 Nob. Lunæburg.

A Rectam pulcro mentem (namque ardua pulcra)
 Non juvat ex facili lecta corona iugo.
 Hinc quam sis merito dictus cognomine Pulcer,
 CALENI, Grajis, ardua cœpta docent;
 Cœpta, sagax pulchrum PLEURITIDIS, unde sororem
 Tertia se Decimæ litera Graja dabit.

Ita ad Clariss. Dn. Doctorandi conterranei
 & commensalis sui nomen alludere
 voluit

Petrus Camps Brunopolita.

P Allas ermunter' dich/und schawewer dich liebet/
 Beziere mit dem Kranz/ der sich dein ganz ergiebet;
 Der stetig steigt nach des Glückes höchste Spiz/
 Und dem der frische Geist im kämpffen hat erhitzt.
 Neptunus zeige dich! Apollo muß bestrahlen
 Den Kunst-ergebnen Held/und allezeit abmahlen
 Durch Schatten seinen Leib; So lange denn auch muß
 Minerva seyn dabey/ so lang' Calenius.

Mit diesen wenigen hat bey dem Hochge-
 ehrten Herrn Tischgenossen seine
 Schuldigkeit ablegen wollen

Matthias Arends.

F I N I S.